

摘藻堂四庫全書薈要

集部

欽定四庫全書薈要

集部

御選明詩卷三十

詳校官原任主事  
臣  
李斯咏



欽定四庫全書薈要卷一萬八千五百三十

集部

御選明詩卷三十

五言古詩十五

陳體文

雜詩

林間慈烏烏哺母聲嗚嗚城中雙鷗臬破巢還啄雛  
鴈飽食肉勁翮翻平蕪不擊城上鷗但擊林間烏  
漢家有通儒窮經三十年腰下鮮尺組囊中無一錢出



門逢高車呵者當其前問之彼為誰牧兒新助邊  
明鏡不在遠妝臺當目前只言他人嫵長謂自己妍人  
亦不能別鏡亦不能宣遂使效顰子翻希惑者憐

岳岱

詠懷

郊外春風寒梅花正吐尋花繞樹行南枝漸三五茅  
齋寂無事酒力微消午石徑稀往來樵夫及漁父依依  
班荆坐款款桑麻語歸鴻起荒陂黃雲暎農扈彷彿村



樹中布穀聲催婦新年擬豐稔處處鳴社鼓徘徊不能  
去暮色延平楚

楚歌發中堂非為取樂方魯酒湛金罍殷憂不可忘志  
士苦日短愚夫矜夜長明燈灼綺羅廣席列芬芳彈絃  
奏清曲携手醉徜徉但惜嫵婉情年髻生秋霜不見蟪  
蛄暮歎此蜉蝣裳

平生好雲山圖繪乃游藝筆吐造化心狀此雲巒勢變  
幻侔神功頃刻呈地志烟霞出膏肓肺腑流蒼翠虛無

起遙岑杳冥藏遠樹溪橋過山村迴隔人間世往來盡  
漁樵荒塗少輪駟茅舍多清風仙者時遊戲萬戶與千  
金此樂誠不翅憂懷若冰釋不知老將至因思伏羲畫  
當令鬼神忌

武陵精舍六首

湖南春雨

紫燕銜青泥湖南事東作一犁衡嶽雨細逐桃花落婦  
子餉田歸平臯煙漠漠

河湫漁梁

白石何累累流水亦復急  
茅茨對夕暉敝笱待鮮食  
矍翅滿漁梁鷓鴣與鷓鴣

西山煙寺

雨過落花深春眠嬾無事  
起望西山雲不見山中寺  
日高忽聞鐘驚散雲峰翠

桃溪夜月

可憐武陵溪本自仙源水  
漁舟昔延緣未盡巖壑美  
石

門今已迷月照千峰裏

竹灣雪艇

鷗飛江上雪雪覆江邊竹扁舟不可渡遠望迷川陸漁父暮歸來蓑衣滿珠玉

金霞夕照

烏歸山日落石壁開返照餘霞赤城標復暎臨海嶠披襟坐春臺幽懷發孤嘯

出萬年寺踰嶺下澗觀仙人趕石道中奇勝遂

至浦口

櫛髮下層巒回望孤雲嘯  
嶺際熠東光雲中樹莫辨清  
旦聞哀猿澗谷知深淺谿壑多悲風  
颭颭林葉卷紛紛  
勞應接行行得奇選百降復千升  
既出還似返始謂盡  
崎嶇旋更得平行淒淒樹霜含  
燦燦花雲罨孤懷欲誰  
語世慮忽已遣逶迤石成羣  
奔馳若可轉湫流深叵測  
山徑益迂緬雖令素心洽  
忍見僕夫喘浦口下歸舟  
川塗日晚晚

朱察卿

雨中感懷

春雨久不歇春寒戀衣裳  
駟馬斷委巷蝸牛蠹空牆  
卧讀感舊篇惻惻各悲傷  
人生貴適意所就何短長  
屠狗足成名  
秦龍終亦亡  
虎韞腐泥沙  
繭絲成文章  
物理有盈虧  
人情空較量  
不如典春衣  
沽酒澆吾腸

程天符

飲酒

昨非未皆非今是未皆是是非皆茫昧寧知譽與毀毀  
於我何悲譽於我何喜時對無極翁翛然鳴綠綺

張應文

食新米作

人生欲無涯各各饜粱肉吾獨薄滋味一飽但饘粥屏  
居事躬耕辛苦踰三伏瀰瀰白露滋栗栗香稻熟滌我  
碌礪場納之杼與柚揚糠已隨風漬水乍離篋欣欣婦  
子語足比玉田玉力穡斯有秋薦廟乃嘗穀先民戒肯

播老氏尚實腹感彼桑田巫食新詎非福

郭第

宿象山下劉權家簡瀾上人

我宿象山下辟門潮一灣為尋焦隱君太山今又還田  
家恐漂麥擾擾趨林間白髮一老翁倚樹遙相扳把臂  
一問之頗覺開心顏呼兒摘韭花携筐弄潺湲粉蜨不  
妨雨亂飛繞雙鬟土壁積簷溜苔蘚成斑斑濁酒無勸  
酬滿飲歌南山心將平等觀身已離塵寰忽懷古祠下



老僧應閉關明日渡江去慈雲相對閒

張文介

湖上晚興

日夕湖水佳波光皎如雪沿堤踏花去獨行自怡悅浮  
香時有無流螢乍明滅興盡擢歸舟山齋照涼月

張虞卿

雜詩

青青江上草關關洲中禽物類各有待因時樂相尋嗟

予久漂泊感遇情難任豈無他人好咸非心所欽所思  
在遠道關河阻重深寒暑屢變節魚鳥空浮沉離憂共  
誰語強坐彈鳴琴孤鸞與別鶴此曲傷人心

王叔承

述歸

離家四五載骨肉多猜疑生還不自分忽如夢與迷小  
兒不識父大兒驚我歸妻子怨離別笑言仍嗟咨此別  
未為久何得生酸悲明朝事行役為余備晨炊

贈別益卿

往時慕遊俠尚友追昔賢乃茲頗超逸舉世同所天況  
我肝膽交惜別能無憐余歸向吳會君行入幽燕烹蓴  
鱸魚白鳥西翩翩揮手各有期江水聞此言

將渡江訪戚世秀阻風雲陽道中作

大江何茫茫晨風颭已夕故人如浮雲可望不可即有  
夢亦須臾寤言轉悽惻生別時易徂一日三秋隔袖中  
懷素書零落餘紙墨區區方寸心相看皎猶昔

王穉登

贈翟丈

翟公方得意結客何紛紛冠蓋填巷中一一皆青雲芳  
蘭雖被鋤未嘗易清芬胡為平生交落落不相聞門外  
寡轍迹暮雀成空羣昔亦一翟公今亦一翟公世情如  
浮雲朝異夕不同路傍桃與李芳菲競春風不如南山  
柏青青歲寒中

梁辰魚

登西塞山訪張志和遺跡

晚登西塞山，脩然出林薄。諸峰自南來，茲嶺獨岑崿。攀援上蘿磴，翠微構蘭若。清梵懸香林，法鼓時間作。零雨飄巖阿，殘雲卧松閣。緬懷玄真子，雅志甘寂寞。雲鴻入冥冥，孤飛避矰繳。風雨湖上歸，浮名寄菟筍。斯人邈千載，高風滿寥廓。伊余慕肥遯，世故還束縛。名境雖盤桓，猶未諧宿諾。何時返初服，於焉此棲託。

汪坦

夜上嚴灘

上灘似牽羊下灘如走馬灘高月未出亂石怒流瀉離  
離巖際星風雨聲在下夜久漁火明疑是披蓑者

沈倬

松際月

清風湖上來徐徐入松下風吹松子落拾之欲盈把月  
出松際雲清光滿籬舍

王逢年

情詩

美人臨高樓青蛾眇眇久何許繫相思一帶橫塘柳橫  
塘柳初齊梁燕築巢棲雙雙飛不去莫蹴柳花迷柳花  
拂羅袖脈脈消清晝離恨幾回腸獨援瑤琴奏瑤琴奏  
還歇燕掠樓中月似夢昭陽宮心將露苔結

汪日夢

秋閨

秋風望闕塞征夫何日歸新涼拋紈扇沈憂減裊圍鴻

鴈西北來哀哀乞寒衣裁縫宵獨坐紅燭對清暉

索昭陽

同陸明府過陽山訪漳河岳上人

汎舟入西山炎景照南陸梅霖歇崇岡積潤含林麓挈  
徒過修坂訪友臻空谷川薄陽已微烟霏忽叢竹石竇  
注清泠雲蘿覆巖屋庖人饋鮮鯉童子進鼎餠翰墨情  
所投令人發深穆茲會難再洽艮趾蘭堂宿

陸倕



酬劉子古鏡

古鏡不自惜遙蕪千里音懸之照肝膽奚啻雙南金圓  
質凝精光螭盤古銘深明月入我懷聊復理吾簪與君  
別幾時髣髴雪已盈冉冉悲年暮悠悠空陸沈願言保  
不缺報君久要心

黃鳳翔

告歸發潞河作

方朔恒苦飢相如常病渴明時許乞身初衣辭魏闕革

車逐扁舟長河接溟渤舳艫爭唱呼鷗鷺間出沒帆影  
日外落棹歌津頭歇舉酒酬暮雲卷簾對夜月悠然萬  
里心頓與江天豁

除夜

靈曜升暘谷頽景泊桑榆昏旦相推遷不覺歲月徂今  
夕是除夕萍蹤寄幽都追想芳春時屈指猶須臾故園  
萬里遙鄉書一字無縱有屠蘇酒安得成歡娛寒衾擁  
榻眠殘燈寂與俱徬徨起視夜守歲在玉除

覺海石巖

誰上鼇背山鑿開混沌竅石髓爛如泥石巖足清嘯寥  
廓迎朝暉沈冥斂夕照飛泉灑松篁綠崖森羅薦晝伴  
巢鶴眠夜聽寒猿叫靈籟蕩囂氛崇岡恣遠眺一壑間  
雲多三杯開口笑便欲矚滄溟共把陵陽釣

夜泛錢塘江

秋水澄似練秋月明似鏡艤棹宿莽洲夜見穿雲磴海  
門潮未生江干波可泳放舟縱所如騁目千里淨恍若

博望槎上與天河映漁火遠微茫棹唱近堪聽頓忘是  
客中高發南樓詠

寓潞河驛

客路常苦長曦晷常苦短淒風日以急歸期日以緩明  
發方戒途須臾雪花滿寒鴉噪屋角門外人跡罕欲把  
掌中杯羈孤無酒伴去住各有時吟嘯自蕭散

李維楨

秋懷

朝見芙蓉霜暮聞梧桐雨皎皎雲間月秋光能幾許哀  
鴻自北來野泊亦何主老至自悲秋空堦復蛩語流螢  
照我牀餘寒生白紵樽中酒不空陶然成爾汝

王家屏

初入翰林自述

生平未知學世路方多岐古人已不作古道猶可追願  
言對青簡澹慮澄玄思宇宙皆吾事一念安可欺譬彼  
機中素皎潔防其緇譬彼山下石孤貞堅自持文章乃

末技富貴非吾期出入感榮邁朝夕承師資遠心在霄  
漢努力酬明時

于慎行

感懷

東出長安門倚馬息道周上有百年木下有萬古流華  
軒馳廣陌冠蓋如雲浮去者日以遠來者日以道朱顏  
入朝市皓首將安求應侯朝上書蔡澤慕西遊榮枯在  
俛仰譬海浮冰漚所以赤松徒屣脫萬戶侯

張位

擬古

濯濯水邊鷺飲啄閒自如暮擇芳渚宿朝羣清連居帆  
檣日往來簫鼓喧晴墟笑此煙波秋都因名利疎濯影  
澄潭雲供餐迴波魚念爾興遠心無營意常舒去去從  
所好秋江多笑渠

詰朝約解纜風雨暗秋色咫尺渺難定人世孰可測園  
林叫鷓鴣牀帷鳴促織感時懷殷憂悄悄令人惻意氣

負當年望秋倦力穡鯢潛橫海鬣鵬戢垂天翼白日豈  
爾私蹉跎空嘆息

涼月印澄江澹然興遐思孤鴻號雲外徘徊若傷離念  
我平生交咫尺天之涯蒹葭色蒼蒼白露凋芳蕤佳人  
渺何許瓊樓媚霞姿臨風振清芬晤言定何期曷以申  
繾綣中心自保持

范謙

漫步湖上偶成



城中無停輪郭外雜塵鞅幽人眷丘壑夸士隘天壤薄  
懷隨所之托足堪俯仰佳辰值休沐良朋洽心賞間從  
湖上行披襟覺虛敞纖草青始齊柔條綠初長羣山淨  
如拭一水平於掌微風動漣漪輕雲散高朗徙倚自成  
趣躋攀亦欣往豈以魚鳥留不作煙霞想悠然澹忘歸  
浩歌曳餘響因懷川上遊狂簡真吾黨

滿井

春城探幽奇出郭得靈境平疇見高原芳泉溢深井大

塊鑿渾胚一竅湛清泠披襟藉虛豁岸幘照孤影臨流  
戒濫觴窮源測修綆恍疑川上遊忽作規中省高亭扁  
流謙吾為發深警

初入翰林自述

聖人啟元運應龍協昌期萬物快先覩而我逢茲時抱  
策獻天門鴻漸修羽儀木天肆宏敞玉軸陳參差石渠  
發中祕虎觀探幽期淵源接師友得失隨箴規分陰期  
共競古道還力追願言謝紛華兼以息驅馳但令微忠

效無求虛譽垂庶幾大造化於以酬毫釐坐見乾坤泰  
我亦贊無為

田一雋

遲鄭郎不至

幽齋淨朝塵崇館紛晝靄涼葉陰已深疎花落猶在美  
人來不來搔首空相待渺渺望河干青山出雲外

顧大典

得山東觀察報留別省僚

肅肅晨風吹明星帶徂兩平生攜手俱今乃殊風壤大  
江一以遠日夕春潮長憶奉南皮遊良時清尊賞華篇  
想遺則淵調懷餘響朋僚既雨散世路即塵鞅去去不  
可追臨風徒懣懣

喻均

春暮宿大觀樓簡士功及二三知己

閒居不適意觸事增煩憂振步出西郭登君江上樓滄  
波漲初闊綠樹陰已稠煙雲綴遐岫蘭茝盈芳洲迴覽

心迹清轉見身世浮徘徊未能去衾枕聊淹留既以自  
怡悅因之報舊遊

送方子及入計

凝霜沾浦樹冉冉歲欲晏君子意如何垂老仍薄宦一  
卧艾子城六見秋花綻月米分故人日食藜與覓高志  
慕翔鸞卑棲託片鷗發軌謁承明蚤晚流皇盼白首感  
睽離追餞臨寒澗握手慘無言側睇雲間鴈

郭莊

賦得謁帝承明廬

丈夫重意氣束髮事周遊挾策日坎壈西風吹敝裘一朝際風雲謁帝來神州出入承明廬交結盡英流雙闕聳雲漢朱旗夾道周翱翔供奉客錦帶佩吳鉤相期樹勲名寧論沈與浮君看黃鵠志不為稻粱謀

帥機

秋懷

八月金風深蕭瑟叩虛牝梧楸半離披朱華日就隕風

急度離鴻氣嚴感飛隼皎月正舒遲義輪漸縮窘砧聲  
動四鄰薄寒侵席筍清景誠足嘉惜此歲道盡沉復愴  
松楸欲賦思歸引

唐邦佐

感興

蟠曲惡木根不植泰山岡婀娜孤生竹抽梢淇水旁佳  
人好修飾被服素羅裳感茲帛鴈會得充君子房絲蘿  
引長蔓琴瑟淨高張合歡在令德容色豈足揚

張元忬

杜轄巖訪吳公度

杜轄巖中人曲江舊同席未折彭澤腰  
早著東山屐棲心老氏書結廬武夷側  
晴峰萬點青雲溪幾條白玄關夾長松  
丹房架危壁巖頭露可餐巖下芝可摘  
猿鶴時為羣車馬杳難即我本丘壑人  
聊作金門客煙霞夙同好出處偶殊迹  
諦觀聲利場何似神仙宅四十已無聞  
百年亦瞬息徒然赤松子巢居鍊形魄  
明發出閩嶺題



詩訂泉石

黃洪憲

觀蘭亭脩禊圖

夙昔秉微尚縱情寄丘壑  
晞髮秦稽陽俯觀但寥廓  
蘭亭被荒丘羣賢不能作  
風生松下寒月出雲上薄  
觴詠已無歡墨妙虛有託  
崇峻跡未殊清朗又如昨  
彭殤誰見齊庶幾達者樂

鄭邦福

牛場坡

俯身牛場坡仰面臘茄嶺白雞

山名

帶雨翔老鴉

閩名

入雲

猛如穿螺竅中復躋蝸角頂行地雖數舍計天不盈頃  
從來汗漫遊觀茲殊絕景那知陟宦階巖險極無影

陳允升

幽蘭

深谷有幽蘭未能離叢棘飄飄發古香冉冉垂秀色棄  
之既不忍欲佩何由得所以澤畔人行吟心惻惻

幽亭啜茗望巾幘山

望望巾幘山日夕生雲氣林際雙浮屠靄靄蒸雲蔚半  
畝蒔園蔬引泉頻灌溉淺碧泛雲芽冷冽滌腸胃幽亭  
趺坐時靜觀覺禪味

馮時可

送張孝豐

浮雲不可駐遊子不能留驚飈逐駭馬歲月去何遒禦  
寒安得裘濟河安得舟客處無與歡寧不思故丘

常山道中遇雨

東山詠零雨感彼歸塗事  
今茲賦愁霖行役我伊始  
靈業不堪滂沱末由止  
嶄嶄石彌高油油雲未已  
我車淖方歛我僕顛莫起  
蛸蛸蠋蒸桑肅肅鴉集枳  
苦哉遠征人重山復重水

建陽道中

趨程苦行遲遇景苦行速  
清晨發建陽重霧若雲簇  
載馳且一舍始能豁我目  
清溪映明沙茂樹間修竹  
千山

開且合煙翠爭相逐飛梁若垂虹去艇如遊鷺竟日抵  
甌寧應接難更僕人遠意如何良遊偏恨獨

寄鄭子載

風塵滿天地遊子行未央春華如昨日亭臯忽零霜墮  
籜隨飛蓬晨飈吹素商莽莽層陰結白曜曖無光蒼蔚  
亂葦荆項領瞻四方竭來何所騁浮雲望故鄉大丙萬  
里驅規步徒涼涼孔翠猶徘徊朱鳳已高翔

送徐中舍二玄南還

悠悠子行邁相送在城隅  
新雨洗塵盆雲氣漸撥除  
微陽照芳樹緒風襲輕裾  
臨觴不能御別思慘不舒  
蓬飄嗟瑣尾匏繫感居諸  
迢迢三鳥使遙遙雙鯉書  
分手當千里會面不須臾  
曷月期旋歸胡不少踟蹰

歲暮鎮遠公署有感

我行值歲晏旅色正蕭森  
肅肅繁霜下靄靄玄雲沉  
野日淡如月餘照冷松陰  
儲雪半封山迴飈助樹吟  
窮獸啼曠澤羈羽號空林  
客子欲如何搖落良已深  
徙倚登

高臺條生千里心翔鸞有逸翮逝鴻無哀音慷慨賦歸  
歟達人自古今

建寧即事

春城何逶迤飛泉流幾曲雲山競高低竹樹森重複小  
艇疾如鳥款乃聲相逐有美在一方相思湖水綠

滇行雜感二首

美好皆有涯文章獨得壽神氣出自然斯能擅其秀乃  
今操觚家開篋拾釘鉅既為古人障又與今人鬪有賢

無不剗有髓無不鏤捐捐名理間長夜空自督達者洗  
其腸澄然無一垢醞釀自天機衆妙斯來就發籟雖獨  
唱合轍與聖媾豈為蜉蝣撼允也垂宇宙

九河不相形五岳不相傾昭昭素明月曾不患長庚周  
道本如砥蕩蕩無榛荆人心不寥廓眼底立疑城堂上  
失懸鏡庭中如沸羹君子秉貞操不與世相爭莊子羨  
全生老氏戒近名超然徃外物寵辱那能驚

李應徵



題清音閣贈朱君采

君采天下彦乘時奮遼廓身雖在軒冕志不忘巖壑朝  
謝桓氏驄暮羅翟公雀結樓臨青茗憺焉守玄漠一水  
既當戶衆山亦羅郭俯瞰激清泠仰矚熙崖崿曠然招  
遠風蕭疎振林薄并入山水間情境兩寂寞綠尊時時  
開清言復間作心期契鴻冥世變付龍蠖達人操其權  
神理或可託

秋夜歸自茗水泛月鶯脰湖寄沈子勺

朝辭若下城暮驅笠澤舩景物忽已改川原亦邈緬娛  
目惟清暉百里同一眇月出梅堰高水落松陵淺曲渚  
屢縈紆環洲溯迴轉澹澹波生烟遙遙雲沒峴楓林霜  
欲丹蒹葭露初泣境會心自恬神曠理逾顯同懷寄秋  
水離念得所遣

趙南星

灌園

淳古逝不還俗士羞田畝衣食生君臣忠孝復何有林

居易成嬾素餐畏我友灌園匪自今緬懷漢陰叟輓轡  
揚清音寒漿出井口澆潏下石牀浸我葵與韭脩然自  
怡悅嘉蔬日以茂眷言賞心人小摘共杯酒

### 宿雨

宿雨苦不開四望垂雲黑塗潦浩縱橫阡陌不可識客  
子駕言邁行行還自惻薄暮路轉修人馬同倦極高空  
絕飛鳥況我無羽翼遠壑來悲風草木慘無色念彼白  
駒詩喟焉長歎息

呂坤

雜詩

野水漸我車掀之出於淖夫豈避危塗行險終違道萬  
事有當然禍福安足保君子守其轍無論遲與早孔孟  
恒固窮儀秦母乃躁所得非所欲寧以落魄老

邢侗

演樂天閨婦詩意

三歲戍遼陽無日不長歎夜合花幾開刀頭望來慰紅

綃帶緩無綠鬟低也未正詠白家詩隔牆啼絡緯

游朴

行役

驅馬上高山山高欲近天及到山巔上更有山在前高  
山豈有盡客行良可憐

沈璟

擬古答澤民

客從遠方來遺我一紉扇上有秋風詞讀之淚如霰颯

颯懷袖間悠悠異鄉縣會面詎有期涼燠代更變莫以  
新相知棄捐故與賤

龐一德

山家

入山亦已深居人一何稀百里三四家茅茨枕山陂爨  
斫山木葉餉食道邊藜斜日羣行汲漏下未得歸離門  
鹿眼疎所憂虎與羆古人已偃卧何由知客悲

馮琦

秋夜簡敬承公亮

秋色遽如許客心鬱未安  
微微日影薄肅肅天宇寬  
高風下木葉零露被叢蘭  
四氣自斡運誰為衰盛端  
朱華曾幾何素萼忽已殘  
楚楚松柏姿凌風以自完

碧雲寺

朝望山間雲暮就山間宿  
佛果何莊嚴入門風肅肅  
古殿倚巖岫磴道盤空曲  
山僧出相迎班荆坐修竹  
峰頭過新雨石髮淨如沐  
泉聲下石溜厯厯飛寒玉  
對酒不

知晚星河低以屬良游殊未竟同醉待朝旭

西山道中

休沐屬良辰招邀盡吾黨晤言山中人兼有濠間想瞻  
彼已超忽去此復悵惘行行出谷口原田何莽莽微雨  
灑然至林樾增蕭爽興來發高唱丘壑傳餘响遙見採  
樵人不得訊所往白雲深復深何處留真賞

中峰

中峰何高高孤標聳寥廓寺樓逋隱見石徑互參錯雖



乏濟勝具始快遠遊諾振衣凌爽塏舉杯眺廣莫不知  
山路盡但見天澄豁對面薊門山數點青如削樹木若  
鱗次西湖不盈勺萬象各自媚孤雲安所薄山南行雨  
罷且復歸舊壑

世用索五十詩感時念別言詠斯章併寄直卿  
伯禎

元化一何速汝年遂半百余最小弱弟頭顱亦已白身  
世忽欲老日月彌堪惜往時堦下樹厯落數千尺以茲

生感歎豈更堪離析憶昔入詞林及汝共朝夕歡言如  
醇酒終不廢藥石中夜尚杯酌盛夏或袒裼驚心問疾  
病握手論千馬一朝忽分携萬事俱陳迹南浦送客處  
儼然遽為客往時我送人衣冠竟長席今日君送我雙  
騎長安陌昔如滿樹花萬點臨階赤今如一片葉萬里  
隨流碧歡敢望當年別亦非疇昔音徽雖已遠往事頗  
歷歷曾公陟宮端王郎為同伯勲業當及時努力相鞭  
策垂天憶大鵬避風感六鷁出處不同行意固各有適

寄言鳳池侶無羨林間翮

鄒元標

採薪

幽暗泉巖下松柏漸成行  
灌溉深封護或恐牛羊傷  
諸卉隨芳萎獨此傲雪霜  
衆莫輕微渺佇看參天長

贈汝實內兄

空谷有足音招賞遊青山  
歡言幾朝夕中道忽辭還  
雞鳴戒儔侶霜雪滿河關  
送之城南隅酌酒勉加餐  
丈夫

志四方無為愴離顏

楊起元

送黃雲崖宿州掌教

前月乘輜車經過睢陽驛慨然思古人入城訪遺跡西  
去二百里張許今廟食秉彝在人心誰不好懿德君今  
涉淮流傳經聚逢掖文藝何足云忠孝為標的國家根  
本地士風最當植丈夫萬世名勉之在一息

馮夢禎

廿五日曉泛山行歷龍井諸處還孤山湖是日  
物色加濃遊情曼衍不覺盡日

清旦踐夙期泛舟益新侶和風沁肌骨初旭媚空水  
窮山色新徑曲樹容美龍泓晝長陰竹閣晴疑雨返策  
循廣堤沿流越孤嶼落日纈通川紅芳爍羅綺青帝無  
回鑣春物寧淹晷濃淡準疇昔羽停情靡止

送姚叔祥還樵李

久飲建業水爾來歸夢頻思歸未得歸不堪送歸人君

來朱明初倏忽佩萸辰較史惜炎暑剖疑埽餘塵考索  
資發蒙補綴愜知新休文稱益友卯金亦忠臣斯文既  
輟筆離席何遽陳遊子戀故鄉仳離多苦辛客囊但市  
書腹笥寧療貧放歸必有期開徑希日親

仲春湖上登覽與叔宗同賦

春至嘉卉榮氣和長薄絢遵渚洽淪連升堤媚蔥蒨遠  
近生態殊昏旦物候變高下柳盡舒參差桃始炫鳴禽  
選秀木時女步芳甸朋儔或回睇舟陸諧所便勝情欣

有託日夕遺深眷

題東山許氏小樓

為樓枕東山山翠常滿樓非徒自怡悅亦以娛朋儔  
璧月當綺窗白雲漾丹丘我來秋色晚不惜十年留南塘  
如可聞兼得狎海鷗

若下

夙昔眷幽溪於今凌漭漭引艇及朝暾滌洄淹夕漲乍  
進離煩囂少焉益蕭曠岸仄交濃陰林缺露青嶂瞻岫

集遙姿睇連延近狀改步款蘭疇陟憩紆迴望地偏俗  
駕罕侶勝遊蹤暢朱羲不遽頽沈歡將無蕩

王士性

冬日真陽道中

悲風黃葉落哀思何翩翩振衣起中庭明月墮我前馬  
蹄凍欲裂野火燒不然僮僕忍朝飢厯磴多苦顛行行  
過塵市莫莫經回川驅車日未息失路何當旋

白岳東天門



東南有名岳沿流探其勝丹崖挹曉氛紫霞落飛磴海  
天一望平松濤逗清聽行行上天門一竇開石徑忽然  
見樓臺金碧相緯經樓高不知暑雲歸常晝暝縹緲樓  
中人焚香擊清磬誦誦讀黃老適與雅意稱

羅漢洞

大壑渾無底青山到處逢連岡抱曲澗片片削芙蓉月  
冷時窺虎雲深尚蟄龍洞門落回飈隔浦聞清鐘東炬  
達藍渡百里藏仙蹤欲問桃花津仙源杳無從惟餘澗

下水遲日照溶溶

五老峰

真宰無終秘靈山開左掖石池函玉髓顛崖倚千尺寒  
雨晝常飛明星夜可摘仙鹿不再至空洞挂絕壁何來  
五老人蛻骨化茲石我愛坐其麓把酒酌空碧天風下  
瑤臺吹我雙鳬鳥遙向黃山去一片浮雲白

楊德政

苑田觀穫

南風吹城闕西苑鳴桑鳩帝畝雨露徧田畯職亦修維  
時麥稼登滿地黃雲稠播植良苦艱喜見千倉收皇情  
念民依感之紆殷憂願以庾廩資勤息覃遐詠哉七  
月篇庶幾追成周

丁巳呂

雨中望勾漏

迢遞策敝車言尋稚川子風雨何淒其蕩然滌塵滓濛  
濛山下雲泠泠峽中水雲水幽以深徑路憑誰指丹竈

突無烟白石徒齒齒至今不可攀邈焉懷斯理我家西山陽許令實同里玄都計非遥赤縣更伊邇冲舉遽難期沈淪恒自恥孺子儻可言請為公納履

吳安國

遊武夷

十年懷名山薄遊未能至弭節偶茲辰探奇始欣遂層峰抱迴合長林引深邃煙霞鎖冥濛指顧詫靈異玉函闕遺封勝跡符往記洄沿九曲溪溪溪落空翠水木澹

澄暉冷風送餘吹登臨兩稱絕幽期愜遐企願謝區中  
緣浮生永斯寄

秋日偕孫太史萬都諫王比部侯奉常趙大行  
郊遊憩禪寺得遠字

嘉辰植休沐晴郊恣游行秋色淒以清深懷託所遣回  
颺振叢樾間雲入幽巘眷言二三友同心自繾綣垂楊  
十里陰清流一溪轉稍憩初地偏頓覺塵心遠歸鑣故  
夷猶移觴欲忘返何當置丘壑一笑謝軒冕

領郡出都留別諸君

明時忝嘉招，薄遊謝遠度。  
孤衷夙寡諧，恬漠有遐慕。  
結交二三子，實以賢豪故。  
覽古窮皇墳，摛華託豪素。  
本乏希世資，還甘守遲暮。  
襤褸被辭舊，廬分襟阻清。  
晤徘徊戀餘尊，慷慨即長路。

屠隆

幽居詩

旭日散林光，晨起坐前楹。  
長天作紺碧，水映孤霞明。  
散

髮把道書恍然遊太清會心欣有得撫景澹無營但見  
修竹裏童子理茶鐺鶯聲遠近絕鳥來嘉樹鳴微風吹  
落花適與蟲絲縈何必驂鸞鶴端居超凡情

馮大受

擬陶雜詩

避俗非違世聊以謝塵喧吾自適吾適焉知吾性偏朝  
來爽氣多開窗對西山浮雲自卷舒倦鳥亦復還此意  
何人知可與知者言

素年

白水道中

驅車上山巔俯瞰人如蟻及從澗底行仰觀亦同此地  
位有崇卑所見因乃爾林端宿鳥鳴天際浮雲起前村  
可息肩澄心會玄旨

雨宿一雲寺

蠟屐候新晴携尊陟西嶺松間聒濤聲樹杪挂瀑影雲  
起日欲晡雨來山亦暝徑窄怯筇躋林寒覺衣冷言投



方外居因嘗雨前茗堂懸燈一粟門擁墨千頃鳴禽寫  
幽泉頓使萬慮屏

楊于庭

擬古

種菊東籬下嚴霜彫我姿  
鷓鴣亦何來嗷嗷秋風時  
佳  
人渺何許歲晏誰與期  
白日欲西匿浮雲還間之  
豈無  
好鳥鳴良辰傷別離  
自非王子喬鬢髮能不絲  
相思不  
相見何用長相思

用韋蘇州全椒山中道士韻贈吳山人湘

悠然見南山  
睠此山下客  
煙蘿牽荷衣  
清風響泉石  
有時忽長嘯  
山開白雲夕  
童子出門去  
堦頭破苔跡

夜發

涼月隱深蘿  
寒雲上高樹  
遙遙逐燈火  
人煙杳杳處  
促縮空山行  
啼鴻自來去

天津

宵行發楊村  
朝望天津驛  
天吳靜不揚  
中流穩如劃  
舟

人乞火至艤棹知商舶曙雞無停啼重霧猶霖霖空濛  
見日出氣射天地白雨餘遠岫淨四顧如列戟霽心投  
行雲恬皆送冥翮飽諳黃金交雅卜青山宅鄭邴亦何  
人清風自今昔

林卧

偶與林壑諧悠然卧田舍散髮時不冠道書閒一把濯  
足石瀨邊披襟松風下詩就渾漫題杯乾聊復瀉靄靄  
南山雲是余知音者

春晴

春晴日遲遲柔葉風習習  
睠茲芳洲杜緩步行復立地  
幽花落深日夕鳥飛急  
高臺望已騁庭草香可襲  
閒居無一營吟帙時復輯  
鶯聲杖藜過山光捲簾入  
出岫雲欲窮歸舟檣相及  
言課東作人于彼原與隰  
篝燈聽夜紡灌園促朝汲  
門無車馬喧徑有求羊集  
皎皎空谷駒馬能就維繫

董嗣成

湖中夜泊效謝體

落日沈遠樹寒煙出孤城湖中鷗鷺起沙際蟋蟀鳴社  
鼓初發響漁燈漾微明遙岑漸以沒但見蒼煙平空水  
饒雨色雲林散秋聲未深宋玉悲良懷遠公盟獨步縱  
遐矚曠焉寄微情

發青陽驛

條風啟征途于邁自旭旦覽古舒遠懷解紱謝微絆廣  
衢殘雪開遙甸芳萼散遠揚旣載敷谷禽亦時轉尚游

達者心點狂聖所贊唐風詠山樞感物有餘歎

嚴道澈過訪不值寄懷

河漢光皎皎照我彈鳴琴寂寂感物候白露沾我襟絃  
絕不復調良夜空沈沈抱此孤桐還藉以寄知音

章嘉楨

清遠縣

日行山間溪偏仄復輾轉孤舟彌窈窕今夕泊清遠攢  
峰忽曠夷駛流乍濫激海月升平蕪光映江樓滿恍疑

茗雪間亦復似漢沔我思鴻濛祕造物有舒卷頽然對  
漣漪把酒歌坎坎

張恒

百感詩

渚鴻不登木蓼蟲不集芥物性寧可移足已復何待處  
卑夷即適茹苦習亦快魯享爰居悲衛軒野鶴駭藿食  
而衡棲自顧亦云泰處身勿靳高但置風塵外

射干生山頭挺幹故不長叢蘭發澗底隨時播幽香高

下殊所託物性自有常富貴多疵辱貧賤愉且康負乘  
為寇嫌考槃古所臧素心苟無瑕跼伏道彌光

步文子極偕遊從姑

峨嵋靈峰石雙拆若初判鑿磴纔交趾陟岨迴迫面鐘  
磬出雲端杖屨入天半眷此清和月萬象俱蔥蒨日晃  
搖沙金林疎出江練蜿蜒圍暮嶺森錯分晴甸軍山聳  
孤髻麻瀑飛一綫俯視何蒼茫俄頃嵐光變古今杳相  
接登覽時哲換嘉會洽歡悰長懷託文翰



朱國祚

同葉給諫過鐵柱觀

有序

南昌鐵柱觀相傳為晉旌陽令許遜鎖蛟處按唐  
李白詩云浪動灌嬰井潯陽江上風豫章城灌嬰  
所築疑此即灌嬰井也萬厯辛卯九月予與葉給  
事典江西鄉試畢偕遊是觀覽其遺跡證以李詩  
給事然予言爰賦詩十二韻以紀其事

微瀾遠通江水黑  
照無影誰鎖戟  
尾蛟繚以千丈綆  
神

州八柱外於此得塹穿地戶闢趙尊真靈位陶景人言  
毋支祁神禹昔鉗頸要當去民患不在遠方屏凍鐵斷  
繡花終古但嚴冷九派潯陽流有時風力猛潮生浪亦  
動疑是灌嬰井比於渴馬厓術可驗糠糲我言殊怪牒  
給事默心領請誦白也詩可以發深省

九日飲涵虛閣和葉進卿作

傑閣峙層霄來遊屏鬱快晴臨山靄逼遠見宮雲敞天  
氣日以清江光一何爽嘒嘒候雁鳴汎汎寒潮長登高

循令序勝引屬吾黨甄藻協夙心爨桐得新賞絲糕乍  
出饅細菊且浮盞席移鳥遷樹坐久月承幌一唱白雪  
音滋我丹霞想

蘇州送君輿姪赴試北上

駕言勞舟發送爾出金閭游子將何之行行入帝鄉帝  
鄉日已近佳氣逾蒼蒼俯視碧水流仰看浮雲翔情隨  
水偕遠意逐雲俱長重寶抱璫璵殊材堪棟梁努力獻  
文賦佇聽聲名揚

天台道中同郁伯承賦

游目覽層峰，携手攀高嶺。舉步若登天，畏塗復顧影。喬  
柯聳白雲，深壑陷丹井。落日猶半規，山色已先暝。但愁  
寒虎嘯，不嫌老鶴警。忽聞下方鐘，頓使千慮屏。安得百  
丈厓，縋以兩修綆。

天台

人言天台高，四萬八千丈。中有瀑布泉，飛流衆山響。多  
少採藥人，石梁不得上。我思劖壽藤，削作過頭杖。拄上

最高峰雲中一拊掌

于若瀛

宿唐洞寺

野寺大道傍短垣倚雲嶠舍策叩禪關平蕪恣延眺  
暝色還荒徑明滅寒原燒篝燈坐幽室皎月來相照未稅  
塵鞅勞已窺靜者妙夜半風鳴條不滅蘇門嘯

虞淳熙

懷淨國

客有歸來辭都作蓮花字五柳珊瑚枝三徑玻璃地天  
童候金門香芻總而至翠緘傾丹英紛紛羅應器翩然  
六銖經秋霞生半臂解衣浴澄池霸風撼仙芟承足青  
玉沙妙觸各如意空樓千樂鳴次演第一義吾安進襪  
歌獨笑聲聞醉極樂詎有涯行向刀林戲

朱長春

巾子峰

出山非舊塗後顧見怪石尋蹊屢登下仰視股欲慄衆

塊射空庭側直各自立詭象不止指移步形已易但見  
交屈拏往往如旗戟上有欲墮片夫乃風吹出脚虛終  
不挫古蘚蝕半白日出照高溜細縫見雨跡傍路容半  
足僮豎每仆側盤旋南得寺穿澗行見汲不見參寥子  
吟幽徒自述

自橫塘放舟宿漁浦作

清晨發橫塘日暮宿漁浦清川何悠悠林木澹回互衆  
山春氣鮮遠近發煙溆雞鳴過村舍鳥落蕩洲渚落日

照富陽潮聲散如雨茲行涉清境人事惜多阻孤舟抱  
風疾薄暮江氣苦前程問舟人形勝卧中數遙憶越王  
山莽莽空懷古

方應選

汝上有懷

故園日以疎故人日以隔奈此頭上冠負却山中屐望  
望吳天遙縻蕪春一碧同心曠難期異鄉誰結客二陸  
想平原五湖招少伯存者半參商歿者成往昔而我徒




索居流光坐愁惜白雲何處尋桃花空脈脈

汝水清且紆明霞生遠空何來得雙鯉溯自江之東素  
書不盈尺白雪滿郵筒經術彭宣老清言徐穉雄朱張  
故無恙王楊激顏風升沈各異趣幽事總相同蹇余周  
南留天涯憐轉蓬延津會須合長嘯倚崆峒



御選明詩卷三十



總校官庶吉士臣侍朝

校對官檢討臣蕭九成

謄錄監生臣傅瓌芳

欽定四庫全書薈要

集部

御選明詩卷三十一

欽定四庫全書薈要卷一萬八千五百三十一

集部

御選明詩卷三十一

五言古詩十六

湯顯祖

秋夕

亂螢飄熠熠蟋蟀悲何急  
納納羅衣裳冉冉淒風入  
獨坐渺無言自起闌干立

虔南津口得黃郡公扇頭明月篇却謝

風物想南都波濤向東粵晨燈鬱孤臺蒼茫度城闕  
惟自遵渚幽芳坐林樾忽枉人吏來新篇贈明月徘徊  
青桂枝宛孌流蟾窟凌寒秋色晚入夜河影沒東井流  
清光南溟照窮髮佳氣有迴合輕霄時彷彿感君卿月  
姿悠悠眷清質紉扇豈終掩嬋娟恒自出還以海中珠  
來投漢川橘

贈舊盱守吳淞張伯常并懷馮元成觀察

昔飲神姥井常眠簫曲峰雞犬天中鳴村墟雲外春良

哉二千石煙膏盈四封一葦臨川城溯洄安可從春風  
吹豫章燕眺承清容授以華亭篇披豁生微悰素若月  
窺窳蒼若露滴松江靜散霞綺巖虛出雲重寂寥僧磬  
間時一聞歌鐘馮公括蒼時揮灑一何濃淡跡到黔粵  
開心見吳淞長吟滄海間雲中成二龍

三十七

我辰建辛酉肅皇歲庚戌初生手有文清羸故多疾自  
脫尊慈腹展轉太母膝剪角書上口過目了可帙家君

有明教大父能陰隲童子諸生中俊氣萬人一弱冠精  
華開王路風雲出留名佳麗城希心遊俠窟歷落在世  
事慷慨超王術神州雖大局數著亦可畢了此足高謝  
別有煙霞質何悟星歲遲去此春華疾陪畿非要津奉  
常稍中秩幾時六百石吾生三十七壯心若流水幽意  
似秋日興至期上書媒勞中閣筆常恐古人先乃與今  
人匹

雨花臺所見



冉冉春雲陰郁郁晴光瑩  
取次踏青行發越懷春興  
拚知天女後如逢雨花剩  
宜笑入香臺含嚙出幽徑  
徙倚極煙霄徘徊整花勝  
態隨驚蝶起思逐流鶯凝  
美目乍延盼弱胥安可凭  
朝日望猶鮮春風語難定  
拾翠豈無期芳華殊有贈  
持向慧香前為許心期證  
如何違玉纓沈情擊金磬

黃岡西望寄王子聲

白露滴江城江聲遶秋至  
心賞不在茲幽芳渺難寄  
木

葉號蟬悲水荇潛鱗戲日氣淡芙蓉雲陰生薜荔棲棲  
王子情默默楚人思未及湘纍醒且共蓬池醉遙松起  
暝色虛竹驚寒吹物往年序遷情存風景異樵歌歸影  
遲新月忽在地

相如

相如美詞賦氣俠殊繽紛汶山鳳皇下琴心誰獨聞陽  
昌與成都貴賤豈足分子虛乃同時飄然氣凌雲卧托  
文園終不受世訾氛清暉緬難竟遺書封禪文知音偶

一時千載為欣欣上有漢武皇下有卓文君

部中鶴

曲臺雙白鶴日賦十餐錢良為升合資留滯江海年傳  
呼卿出入引吭飛舞前軒墀看鶴人時與小翮翺鳳皇  
猶可飼安得羽中仙

宿浴日亭因出小浪望海

為郎傍星紀江湖常久居倏忽過南海片帆挂扶胥隱  
隱岸門青杳杳天池虛培塿澹凌厯氣脉流紆徐潮迴

小洲渚龍鱗勒溝渠于中藏小舟其外懸日車雲影蒼  
梧來咸池相卷舒孟冬猶星河淡月沾人裾陰陽蕩揮  
霍精色隱跼蹐濯足章丘餘沐髮扶桑初清輝臨洧盤  
若木鮮芙蓉西顧連崦嵫東眺極扶餘小浪亦莞爾大  
波始愁予嶼舶自吞吐樓櫓成煙墟飛金出螢火明珠  
落鯨魚吾生非賈胡萬里握靈柙晝羅浮外傳聞仙  
所廬玉樹如冬青瑤枝若栟櫚陽烏不日浴晝夜更扶  
輿丹穴亦不炎好風常相噓白水月之津一飲饑渴除

徐聞汝仙尉去此將焉如

麗水風雨下船棘口有懷

石城雙水門落日遠江介春潮風雨飛暮寒洲渚帶流  
雲蒼翠裏緒風簫鼓外分披悟曾厯合沓迷新屆宿霧  
緬餘丘生洲隱遙派地脉有虧成物色故明昧曲折神  
易傷幽清境難會江花莞流放岸草悽行邁不見林中  
人自撫孤琴對

殷都

離資園

蘭生在深谷寧畏惡草滋受性偶不同托根從所宜夙  
齡負耿介中路遭嶮巖棄置纓與綈歸來尋故蹊南山  
荒豆田東陵沒瓜畦躑躅不自得為園且棲遲上有護  
草堂下有春草池光風旦夕至引觴以為怡蘭者自為  
蘭資者自為資達觀詎離俗全生甘息機寄言謝人徒  
殊調勿見疑

表宗道

暮春鄒生邀黃思立諸公游高梁橋卽事

柳帶括晴空寒鏡開清潭長堤三十里波底見行驂  
雕弓簇小豎茜衫逐冶男西山如螺髻萬黛滴僧藍  
長歌吹細縷酒氣成煙嵐鳬母出窺人菱蒲綠鬢髮  
時聞連連語蒼翠似江南

袁宏道

新晴

雞鳴聽遠鐘淒清入寒嶠晚枕氣微暄紛紛簷鳥笑  
花

香乍襲人窗湧一痕照溫風泣露光塵斂青天耀逸思  
如繫鷹繫解心浩浩出門見平湖流水清面貌村酤白  
癭杯沿堤呼所好

袁中道

江干

讀書忽已倦冥坐虛無裏風起舟壓濤漬漬來入耳一  
夢入深松櫓聲復驚起瞥見兩岸山淡冶真可喜楊柳  
發嫩綠雨後益娟美携有虎丘茶并饒惠泉水聞香不



見色齒牙風詡詡此江獲此樂上有玄真子

梅花

朝來花底坐微香染清醉清醉猶未已冷然成佳寐  
瞥見四圍山萬仞真拔地玲瓏萬竅空苔文綴深翠山徑  
響石渠珠泉自天墜澹月來山胷流波湛寒淚途逢一  
高僧邀我巖中寺坐我白石牀語語天外事談鋒尚未  
終警鶴一聲至依然花下人清香來撲鼻

花源道中紀遊并示文弱

綠蘿如篆刻鋒刀駁雲霧下臨百尺潭丹碧寫練素沿  
溪望前村都似避秦處停舟入花源携筇臨水步桃花  
千樹紅花深迷往路帶月石間流夜深響瀑布清坐憺  
忘歸一山滴浩露

感懷詩

山村松樹裏欲建三層樓上層以靜息焚香學薰修中  
層貯書籍松風鳴颼颼右手持淨名左手持莊周下層  
貯妓樂置酒召冶遊四角散名香中央發清謳聞歌心

已醉欲去轄先投房中有小妓其名喚莫愁七盤能妙  
舞百轉弄珠喉平時不見客驕貴坐上頭今日樂莫樂  
請出彈箏篴

昔時舊酒人傾尊定酒帥一吸百餘盞酒徒皆羅拜是  
夜月如晝大堤共于邁狂歌若奔雷長江吼滂湃居民  
不得眠親黨皆嗔怪精悍在面顏零落舊壇會回首憶  
當年咋指以自戒

初秋

微涼宿陰林頓覺煩暑退登臺對清池過螢停鶴背靜  
夜發嘯歌鄰犬數聲吠

臺上人正醉池中鶴正睡浩露漸深林鶴驚人亦去  
水氣抱柴扉林陰夜凜冽風至如無人芭蕉一聲裂暗  
暗梅花廊殘月如霜雪

吳應賓

感興

雨氣澹將夕木末明殘霞流芳惜餘姿宛轉歸泥沙物

化一以遷歡樂為咨嗟根株既不定無乃空中華渺然  
念獨往浩蕩隨無涯

王嘉謨

古詩

閑雲過窗牖蕭絮真可親杖藜出門前幽鳥鳴向人  
一夜秋水生潺湲滿四鄰鳥毳林中飛微雨吹角巾寥寥  
還自得此意誰與論

西郊曉望

迢迢西北望雲淡秋山永寒松無留露弦月不耀景百  
鳥競朝鳴渺渺闕河靜閭闔閔神宮虛牝遥相警獨有  
淵壑情跼蹐誰能領

夏夜獨立

陰陰雲霧合簾櫳更回回幽人猶未眠獨立餘花影遥  
聽輓轡聲微風起古井

嶠兒橋

淵淵溪水中青蒲葉靡靡翳然林木間幽懷信予美細

藻唼潛鱗山梁雉文雉尋幽復遠涉濟勝良堪喜夕陽  
忽西流平湖澹煙起慷慨賦新詩行歌出山市

西勾橋

微風何澹澹宿雨隨人飛遙望石梁前楊柳蔭重圍淵  
壑寂無聲獨行向霏微寒芳自可藉寄賞幸不違徙倚  
豐林間坦步徐言歸

盤山法藏寺

折坂殿懸厓悠然縱鞍韉縣縣谷口雲飄墮白如練峰

巖忽相冒奇石還驚眩大者數十尋小或等冠弁峰巔  
有嵌宇厯厯皆可見永懷僧棲樂倍覺塵情倦稀逢采  
芝侶獨立幾回盼

雙峰寺

遠眺翠微近雲木澹清姿石華浮半空飛泉激流澌其  
陽鏡怪石小大紛參差萬嶺鬱相錯孤雲停不移中峰  
構翠龕一一能仁祠山僧衣羅薛雜以松蘚皮導我磨  
蒼崖覽古生遐思



沈瓚

遊石門山

曉行青田道百里皆蒼山天開石門洞七十二灘間瀑布掛絕壁開心復怡顏高詠謝公詩披襟弄潺湲悠然念千古日暮不知還

遊元陽洞

朝雲漸歸山松風晝淒緊重巖散晴暉皎日麗阡畛矚巖目俱遙循巖步方窘一山別作阿亂石聚成困徑穿

斧斤餘岨覆松蘿盡危磴曲緣澗近坡平中準洞啟石  
谿訝風高樹凌躋僧舍密綴蜂樵柯露棲隼居人茂花  
竹過客甘蔬筍迴思廿載前此地名跡泯七日鑿混沌  
一朝見玄牝境闢地孕靈氣開人示朕幽夢屢相關孤  
筇自茲引為誦郝生言無貽謝公哂

章憲文

山中送馮岱宗遊留都

秣陵佳麗地況乃霜信初蟋蟀吟井榦白露泣玉除天

堦爽籟靜游子行曳裾寄語都人士拭目觀璫璣  
為爾切鱸膾為爾調尊羹飲我金叵羅歌我少年行爾  
醉為我舞舞罷難為情秋風滿道傍深柳玄蟬鳴季鷹  
歸故里之子促遠程去住不自得努力崇令名

素黃

送陸五臺之任

移舟一送君離別在今夕耿耿秋夜長不寐成遠憶豈  
無黃金壘可以滌胸臆我心匪白雲卷舒焉有迹彈冠

武水濱坐久暮山碧

徐勣

送黃伯寵之秣陵

我從白門歸君從白門去去轍與歸輪相逢不相聚窮  
冬百卉腓遊子遵長路黯黯鍾山雲蕭蕭秣陵樹我我  
石頭城渺渺秦淮渡千里涉風波孤身犯霜露送子感  
昔遊勝事今成故離情不可緩慎毋乖尺素

焦竑

贈王東崖先生

商風天末起中夜墮霜籜有美三春花朱條忽銷鑠古  
人結交驩意氣重山嶽俟俟豪華子朝暮見榮落明晦  
自有時所貴善斟酌懷哉坦蕩人永不負然諾

峩峩陵上松下有千歲苓采之欲相贈為君延修齡道  
遠不可致物薄誰為珍臨風空佇立歎息此微誠

西園

林皋颺欲秋閒園自成步駕言出郭遊翻愜滄洲趣臨

深杳難即躋險條可度危藤緣澗上遠岫當窗露崖壑  
既盤紆竹木亦交互怪石森餘株清川貫中路微雨逗  
涼颼煩暑漸以去同人自相將杯酒豁情懷棲遲少日  
懷緬邈平生故流光豈不道延賞未云暮詠歸各怡然  
撫景謝良晤

陶望齡

遊五泄六首

各有序

青口

從諸暨縣行五十里皆山中然勢散緩行者頗疲  
怠將至青口前有巖嶄然出雲間客望見皆喜心  
踊欲趨比至山忽轉面截去路純若無罅並厓行  
半里許溪澎湃然鳴隔溪迺覺有門竇涉而入如行  
委巷中矣兩山離立不數丈壁絕梯磴翕翕如欲  
闔行數十武輒一轉溪隨而縈之十數武輒一涉  
山是純石峰峯皆傾欹聳特各各取態或如廩困  
或窪如堂或如案上果罩也疑初是一山將有神

人斬其脊而中開耶石壁上躑躅盛開紅紫如繡  
不可采掇五泄山上有劉龍子墓龍子人而龍故  
詩云然

龍子為龍時陽精洞丘谷神行物無礙摧山如剖竹青  
口當其塗長巖勢奔蹙若萬羽林分行避黃屋祗今  
苔蘚壁即是羣山腹天空墮石罅雷與斷雲足鬼斧一  
以剗神鞭驅不續躑躅花其巔聊舒遊者目

第五泄



五泄之名以瀑水勝然山徑固已奇絕矣入青口  
十里至五泄寺寺右緣溪窈窕而上復折遂至瀑  
布所水懸可千尺石壁如削左右環擁映水益壯  
不知視匡廬雁蕩何如也然聲勢震蕩口喑目旋  
神魂失守亦雄偉奇特之觀題名於壁曰萬厯丁  
酉三月廿日公安素宏道歛方文僕山陰王贊化  
會稽陶望齡爽齡同遊

白蜺飲晴壑一飲萬人鼓腥風歆涎沫下有神龍府傾

崖與迴薄擴石佐虓怒十里骨立山洗濯無撮土遙源  
杳何處落地名第五客來泉亦喜舞作千溪雨赤脚立  
雨中衣沾翳厓樹廿年成始至重遊在何許憑君鐵錐  
書一破蒼苔古

白龍井

五泄有二龍井黑龍井即第五泄下石潭白龍井  
在寺南五六里許穿谷中而入大抵如青口道也  
而兩壁加隘巖巒加巧溪加駛石門石圉石果罩

皆具而加巨轉摺變換不可名狀稍進云已是寺  
前案山背似非人世之行客相顧恍然而已時日  
漸曛幽悄可畏不至龍井而還

招提萬山裏門與蒼崖對嘗聞白龍井竄出清溪外沿  
洄未覺遠忽抵前山背半岩仙屋深迴峰洞門礙竒巖  
互傾仄飛溜各形態厓松老將化石筍看來大磐谷戴  
土耕寒苗接流漑蹊幽生晚畏逕轉添新愛已謂人境  
窮驀與村翁會息肩支短策洗足坐鳴瀨但見玄髮垂

安能辨年輩因知雲霧間神仙宛焉在

第一泄

宋景濂記云諸泄惟第四級不可至或以絢圍晉  
繫巨棧俯而瞰其取道蓋從嶺上下耳僧言山下  
有細路緣厓可上則四泄皆可至也時方雨險滑  
不可置足褰裳從之從者多諫罷歸寺詰朝步上  
響鐵嶺從山胥得斜徑攀挽而行臨其巔望之四  
瀑皆宛宛可見夫厓廬雁宕一級水耳猶得名况

五泄耶

山雨無崇朝青苔助巖險四泄安可求山僧只指點興  
來身命微危磴幾欲犯童僕進苦規同遊亦譏貶慮深  
膽易冒計阻心竟歎勝事忽若吞清眠夢如魘辰餐動  
歸策臨瞰勢已儼蘿葛疲攀緣荆榛費誅斬跣石愁足  
跌蹲泥任衣染下望五白龍遙遙競騰閃

紫閬

泄之水百仞五之意是天上落也從響鐵嶺而登

至絕頂謂便當下乃忽見平疇長林桑竹翳溝  
塍組織水皆安流審之即墮而為泄者地名紫閭  
民居頗稠或至巨富四望緬然平遠亦更有羣峰  
環之上山即富陽縣界予與客皆言兩縣地勢高  
下遽如此復不謂是山頂行十里忽復下走如一  
二里始至地由此言之安知今所謂大地者非處  
於孤峰絕頂乎

一瀑懸百仞五瀑方到地每緣嵐霧開忽想峰頭翠即

此料泉源應從白雲墜攀藤漸躋陟屢息始能詣誰謂  
孤峭中忽有桃源事雞犬散村落竹木成位置連疇溪  
女桑卓午樵人市向來五瀑布平流若溝隧十里方下  
山人家在天際

玉京洞

從五泄至洞巖寺凡三十里洞在寺右始入如永  
蒼蒼窮迺開闊如七間大廳堂遇闊處即名一洞  
如是者不測為幾也未入時寺僧携席以從云大

隘者至不得手行須首引其尻如蛇蚓狀以為藉  
耳洞中然數十炬猶暗炬火小如棗核不見光燄  
隘處又苦煙塞觸眼鼻皆酸既至穴口數刺頭試  
之畏煙竟不果惟寺僧與王生及僮輩二三人更  
進數洞出為言所以聞昔有行脚僧曾擔糠深入  
者見大溪石橋而返頂上聞櫓聲當是錢塘江也  
靈洞積陰晦火烈不得揚一炬纔照身有似秋螢光神  
幽意多危羣客悄不狂相牽隧道窮研爾開堂皇石髓



結還滴蝙蝠鳴且翔布席通穴口投身引其吭要當蛇  
蟪行恐逼蛟龍藏勇夫三四人老僧啓前行還言所歷  
殊一一仙人房其下流清泉其上安橋梁蹊嶺突高下  
尻背時低昂火燭黯欲盡窅奧安可量嘗聞長老說有  
衲來何方折松為明燈罽包裹饌饘持呪禁妖怪表塗  
留粃糠猛志忽地險深探遍靈鄉頂上搖櫓聲依稀是  
錢塘與君凡境居安知仙路長

端午日無念師二詹生吳生同集齋中偶看坡

公汁字韻詩戲效韻四章

錄二首

吾聞嵇阮儔，頽然嗜米汁。呼酒如救焚，五斗未曾濕。清  
言多妙理，往往酣中得。不知三閭公，沈湘有底急。有如  
雲間鵠，而視池中鴨。覆載豈不弘，愁人眼空幕。園芳延  
令節，安石榴花赤。秣米煮菰青，菖蒲兼酒白。酒為濡吾  
唇，花以華我幘。行從漁父歌，一弔孤纍泣。醒魂老更苦，  
澆酒箴其缺。今日良宴會，坐有千里客。願客醉勿醒，醒  
後憂來集。

榴嬌乍頰頰柳暗初流汁湖南去飯牛飯飽牛耳濕炎  
景困騰騰嘉賓來得得同忻節物換再歎流光急艾葉  
巧成虎沈香吐微鴨開軒去屏障獨許庭花冪越酒苦  
醲醲琰落珊瑚赤家傳蘇氏方頗類吳中白豈徒側君  
弁歡賞行墮幘連槽瀉春溜幾夜糟牀泣餅罍幸未恥  
杯勺豈愁缺主人不自謀醞美真為客莫厭園蔬貧明  
朝肯來集

予家造真一酒  
色味似三白

### 董其昌

## 題陸君策畸墅

積玉豈無圃，干將亦有村。  
青山貯文賦，秋水懸劒痕。  
中有獨住者，卜此畸人園。  
高情狹五嶽，取適聊川樊。  
一丘羨吾土，羣峰走其門。  
虛櫺見霞起，卷幔知雲屯。  
高樓巢燕子，簷谷長龍孫。  
每當秋葉凋，鬱鬱清陰繁。  
緬懷柴桑翁，朗愛田水喧。  
况乃梧竹聲，長與風雨吞。  
主人桂林枝，雅高蓬蒿敦。  
疏渠引泉脉，驅石剗雲根。  
濠梁期質友，池塘思哲昆。  
刈韭秋畦薄，釣魚潭水渾。  
著論準樂志，賦騷

稱滌煩名僧時駐錫長者多停軒與君在城市室邇猶  
隔垣未若此園居曠然無籬藩一從鴻避弋笑彼虱處  
禪因之奏山水便欲忘朝昏高枕乃吾廬誠如杜陵言  
嘗聞達人軌寄邇隨化元我如還山雲君若扶桑暎卷  
舒各有宜何必鶴與猿惟容肥遯者終老桃花源

高攀龍

夏日閒居

長夏此靜坐終日無一言問君何所為無事心自閒細

雨漁舟歸兒童喧樹間北風忽南來落日在遠山顧此  
有好懷酌酒遂陶然池中鷗飛去兩兩復來還

湖上閒居季思子往適至

正爾山水間念吾煙霞友春風吹微波日暮倚楊柳我  
友惠然至童僕喜奔走相別嘆幾時相逢慮非久所歡  
得晤言欲言仍無有默默各自怡一室閒相偶夜深不  
能寐明月在東牖

諸公招飲石城塢

勝會寧可常勿惜此淹留竹樹有嘉蔭班坐無俗流念  
我平居日所愛在山丘願得素心侶引杯相勸酬今晨  
愜幽興不醉將焉求未須敕太康此樂可忘憂卓哉斜  
川人千載心悠悠

夜步

幽人夜未眠月出每孤往繁林亂螢照村屋人語響宿  
鳥時一鳴草徑露微上欣然意有會無與共此賞千載  
懷同心陶公調可仿

魯兩生

吾愛魯兩生面折叔孫子灑然揮之去身隱名不紀是  
時風雲際豈不願膺仕大道吾所聞曲學有深恥從此  
謝世人聊以保厥美

登華頂峰遂至石梁斷崖觀瀑布

晨策凌絕頂夕棲入浚谷攢峰插天表飛瀑掀地軸昧  
險驚前賞升虛騁極目春風澹冲襟朝曦扇輕燠深桃  
點澗紅弱柳抱溪綠想見花源人胡麻飯應熟神仙不



可期念此媚幽獨

始歸

三旬通仕籍六旬始歸田中間立朝日未嘗淹三年拙  
宦分自定遯世性所便每懷五湖志願棲一壑堅飛鳥  
脫籠中游魚歸故淵宜誠異時好所好各有專驅逐車  
馬塵何如松竹間晨起日三商夜坐月一天靜默契神  
理夷猶翫簡編所務願不違至人樂已全

謫居

并序

余謫居揭陽官舍幽清庭有盆魚有竹石楹前榴  
花灼灼不絕樹間小鳥交交弄語長至後謝病杜  
門益無往來終日靜坐讀易誦詩月明靜夜活火  
焚香援琴小弄意興既極恬然而卧益從容乎樂  
也賦詩志之

自昔悲羈旅局促亦奚為  
昭曠苟在懷憑運與委蛇  
嶺海何必惡四時有丹雘  
我生一甲子即事多所怡  
華館絕塵氛水木澹幽姿  
好鳥時一鳴靜蘊流天機  
縱心八

極外歛之在幾微  
歷覽千古書此理  
不吾欺被服誠無  
數真賞欣自知  
持此以永念可用  
忘棲遲自非高堂  
戀鹿門乃在茲

遊雁蕩山

昔我愛丘山名勝在夢想  
去去三十年塵事空鞅掌  
茲遊愜始願千里遂獨往  
望山屢馳騫入谷轉疑恍  
仰觀秋瀑飛俯聽潭流響  
陽崖峙雄突陰洞藏竒敞  
幽尋碧澗底遐矚紫霄上  
春風蕩輕陰百里見開朗  
丹青未可

圖文翰誰能髣髴心願止託回首空悵快勝地古今存  
浮生俄頃賞安得結茅廬於此日偃仰

湖上

道人不識憂隕然罕所慮胸中有奇懷常得山水助時  
乘酒半醺或值寐初寤獨往恣幽尋欣若有所遇有時  
深林行穿徑忽失路有時湖上還看雲忘所務凝目孤  
鳶歸傾耳細泉注所造趣未極原陸任昏暮非關耽清  
娛曾是乘遠慕閒心始造理快意多失步嗟爾行道人

迫迫焉所赴

林堯俞

三月三日棠林修禊

良辰維上巳選勝遵水側灌木翳繁陰原疇免登陟長  
川羨游鱗高雲睇歸翼羽觴催莫停陽烏漸西匿

七里灘作

雙茄引綵舟鳴榔下建德既經漁浦口還望定山色沿  
流苦奔峭入峽驚偈仄寓目恣游觀舉趾罷登陟一酹

嚴陵祠清風邈難即如何謝人徒於焉解微纆

海東晚眺

暮春命巾車言憩青溪渚徘徊芳樹林夕陽已在水東  
望窮扶桑波濤盪地紀日月互吐吞雲霞幻奇詭天吳  
晝不發珠母宵疑徙島嶼急樓船春疇間耒耜鯨浪幾  
時平漁歌處處起

陸彥章

席上懷東明先生時患足疾

顥景霽秋旻時臨揚素萼言將物外羣  
遂果林中諾郊館旣陰森風期亦恬漠  
葵烹露葉鮮竹亞霜枝弱氣肅翻來鴻  
天空唳棲鶴晝愜陽晷遷宵厭華燈灼  
如何平生交沈疾阻歡謔漢陰息機械  
牆東養寂寞安得待君閒盈觴共斟酌

馮有經

登嘉禧寺

高樓切天浮古木森在下峯峰開金碧  
四十二蘭若芳

林擁桃李怪石帖松檟人語曠不喧啼鳥無冬夏對此  
懷巖耕局促何為者

陳所蘊

嘉善寺石壁

出郭探幽竒驅車詣長薄禪林一片石絕壁聳虛壑旣  
疑巨靈擘復類鬼斧鑿俯臨百仞崖飛度千尋閣斗酒  
此盤桓與子聊斟酌人生會有盡奈何苦羈縛願言解  
徽纆負耒采靈藥



徐應鑊

遠別

荒郊微雨歇一夜生秋草  
曉起望行塵離愁滿懷抱  
渺渺孤帆影迢迢萬里道  
回首故鄉心憑誰共傾倒  
人生衣食足在家貧亦好  
榮枯代相嬗賢聖莫能保  
昨日東鄰花今朝淨如掃

孫羽侯

小除日登玄石山歷石門七女諸峰

歲暮野遨遊駕言陟層障萬木日蕭疎十里峰遙向高  
高玄石山獨立心怡曠巨人跡負奇雲母泉清漾中與  
石門連絕境凌蓬閬黃精神女供丹藥羣仙藏松檜蟠  
靈根衣冠閔深葬嶺雪競晴暉崖瀑散餘瘴強臺意慙  
多仙廬懷恣放江湖左右流鹿豕朝昏傍俯視貌培塿  
四顧離塵坱安得同盧敖八極隨筇杖

吳正志

早秋宿西溪莊上夜月皎人荷香襲袂同卜宗

遠外弟大澄頭陀由小閣步至荒圃劇談中夜  
賦此

高閣臨深溪孤村坐日暮山色入微茫悄然悲四顧須  
臾一輪湧金光出疎樹上徹青天路下照清溪路密竹  
尾欲掣長松頂偏露指顧河漢間牛女如欲度雖無卮  
酒歡清輝愜情素

情素何廓寥道侶足逍遙步出西北園香風一飄飄蓮  
蓋含雨潤蓮花泣露嬌寒魄漾池塘清夜見沈寥亦有

草間蟲感時聲嚶嚶徙倚翫物態煩襟若為消所以不  
成寐玄論半良宵

初至西村

避世不可得聊復居西村西村亦何有松竹羅故園况  
茲青陽暮卉脫芳陰繁雨餘暝秀野寒風帶隴翻既隨  
物候適亦絕人情援默坐觀無始散步神理存喧寂故  
自如昏旦安足論所愧素心人悠然獨舉罇

區大相

月夜花下小酌和友人

碧空散微雲孤月照遠客以君衣上光鑒我花間席傾  
壺逐夜涼隔林望歸翮槭槭葉墮堦淒淒風入隙清光  
正娛人徘徊戀終夕

歸子慕

館城北

妻孥昔居城我淹江上廬妻孥來江上我去城北居城  
北何所事二生喜從余旣愛童子真且得人事疎長夏

北窗竹風吹几上書坐看牆外帆樹中去徐徐中情苟  
無繫觸物皆有餘今茲對佳節秋風秋月初香稻感我  
鼻歸食江上魚小女解思父一見當何如

城北初夏

三見草木榮棲棲猶未旋偶與城市遠因耽此地偏獨  
館背清池一無俗事牽晨興課書罷日午蛙聲喧出門  
見新秧微綠映遠田久晴初得雨稚子亦欣然田父說  
歲占今茲定有年物情既如此予樂復何言

庚子正月吳子往見過同訪高存之於漆湖

令節思故人流光懼蹉跎心在隰桑篇三復當如何忽  
聞叩門聲良友遠見過携我訪同志詰朝鼓輕艫情殷  
無遙路信宿踰關河依然漆湖上春水渺晴波主人愉  
愉如兼以風日和風和捲簾坐開尊鳥來歌忘飲飲更  
適不覺芳顏酡階前山茶花落英何其多

期顧德甫兄弟看花不至

脉脉春欲深遲遲日方午閒閒溪橋邊寂寂桃花塢淺

水潮初生漁舟倒出浦無奈東風狂花落不可數

暮春

梅陰陰西窗實繁枝葉低小鳥時來鳴向我如棲棲一  
鳥鳴未已一鳥隨和之鳥聲處處起高下聲參差日出  
聞鳥聲不覺日已西池塘小雨過夕陽鷓鴣啼

辛丑夏日閒居

閒居不勝娛何妨抱微疾長以無事心當彼攝生術白  
日一何長臨窗坐捫虱飯餘弄清琴臥起展殘帙孤雲



御微風翩翩獨高出

閒居寄沈伯和博士

時伯和將之  
京應貢舉

蹇劣仍負病分定無越想柴門槿葉疎臥看人來往江  
南寒信遲十月氣和朗一夜好雨過階前菜甲長念我  
遠行人中心悵養養盤殮有餘滋高駕何時枉

感悟

人生惜富貴富貴諒難私居位食其祿抱關有攸司若  
懷凍餒憂不如農桑宜平心任公道天下能者為人事

當前昏事後更相嗤三十五年前歷歷皆可思以此徵  
後來何勞復多疑願言謝將迎履坦希前知

元德秀

我愛元德秀天然真澹姿榮進非所好聊仕亦不辭於  
彼紛華中連袂歌于蕙一日駕柴車欲去亦不疑惟盡  
利名心長得情性怡飲酒彈鳴琴眉宇若見之悠悠千  
載下寤寐勞相思

壬寅正月西村築室成

經始逼歲除春肇室云考結構稱心為彌拙亦彌好村  
樹既羅列溪流復縈抱北牖移修簞南圃藝藥草室中  
圖與書間暇可探討農人理耰耨念此歲供早顧我長  
負疴不耕慚亦飽

寄姚孟長

道同不用結氣同不用求神在未交先彼此潛相投感  
君嘐嘐志高廣正無儔慷慨燈前言奚止情綢繆男子  
患無志有志良難酬懷居易隨俗安樂生煩憂可憐早

春役煙雨維揚舟不知何所牽行止不自由殷勤孟秋  
約期屆無淹留

泛湖

離居久相思乍見人情喜各從遠方來相知若伊始晴  
空泛秋湖天際水瀾瀾中流將焉如東西非所擬微風  
送輕舟颭入蘆叢裏村家插新標有酒清且旨漁人近  
前問銀魚初出水美物應佳節及時在我爾滌盞欣對  
酌高情詎能已言旋發清歌夕陽下西溪童冠樂何如

點也千秋起

李騰芳

博望驛

孤亭瞰虛空危闌翼石壁亭亭數株松雲端發深碧起  
視羣巒層溪光亂相射盤梯花倒看入閣煙相逼雨過  
萬瓦鳴燈殘四村夕疎星柳外明河漢看不隔去矣問  
津人空思泛查客

金忠士

瞻尼父像

瞻彼百泉流春來何澠潏新廟貌崔嵬儼存尼父像日  
月雖逋更素王靈不爽俎豆有明裡光輝在吾鄙瞻依  
適所願聖門如拍掌嗟哉戶外人宮牆隔天壤

謝肇淛

發真州別諸子

折坂無安蹄風林少寧翼頰波旣東徂熹光復西匿行  
子逐轉蓬朝盱不遑息擬垂邗江綸仍脂薊門軾仰送

鴻雁翔俯攀楊柳色別緒若絲棼欲言涕沾臆早歲負  
好修中道遭反側行止信盈虛風波安終極白璧委精  
光何當重拂拭揮手從此辭他鄉復異域贈君以孟勞  
持此長相憶

雨霽寄陳隱君

新晴動花氣鳥啼漳水春出門見芳草忽憶山中人種  
藥劖雲母煮石炊松薪甲子誰能識空山無四鄰

寒夜感懷

凜凜歲云暮歸鴻浩南征客心渺天末役役哀吾生撫  
劍中夜起碧宇何淒清霜氣襲四野素月流前楹寒燈  
黯欲滅萬籟闐無聲欲奏思歸引淚與朱絲并調孤絃  
易絕山鬼徘徊鳴浮生無期別離恨何時平

秋日邀龍君御同鍾伯敬林茂之賦詩君御將  
赴湟中

營道寡高操大音謝俗機誰云京洛塵而能緇素衣前  
蹤旣云邈後會安可希斗酒自斟酌蟹螯秋正肥南陸



有殘暑西山無留暉不知松際月已挂花間扉雜坐忘  
磬折緒談聞芳菲君今赴河湟戎馬生郊畿紅顏誰見  
賞青雲願多違舊歡意未決新離淚仍揮余亦倦遊者  
因之歌式微

桃丘歲暮作

衡門杜俗轄時與參朮親三旬九梳髮不知昏與晨早  
來踐繁霜積霰紛成塵白日光慘澹氣色黯不伸始知  
玄律窮泰谷無回春歲功忽云改勞生猶艱辛四鄰起

寒杵惻惻傷我神天地固有盡年華安足云

偕李元祉水部遊蜀山

一水劃為山兩湖東西匯漕渠貫其中盈盈若衣帶西  
湖漸成陸東湖淼無屆千頃碧琉璃風雲互變態中流  
一卷石突起砥泐湃金鏡浮芙蓉銀盤捧螺黛荒祠久  
零落花穠皆破敗雞柵倚龜趺燕泥凝佛背開尊面南  
浦雲水澹相對漁艇散復集鳴榔出深瀨蒲葍交亂流  
帆檣遶天外濤驚山影搖波漾日光碎恍如金焦間疑

在蓬壺內憑虛候往還已隔人天界浮雲何時閒勝遊  
與居會回首空煙波疎鐘隱林靄

十六夜彭城對月

辭家席未暖望舒條已圓初隱層峰外戢挂高城巔徘徊  
麗絳闕潋灩搖紫淵遠望杳無極忽覺在我前流輝  
照綺席素波相澄鮮玉宇何淒清孤鴻唳中天寒江抱  
平楚離離含輕煙美人天一方皓魄私自憐但恐佳辰  
邁弦望自推遷胡為勞我心愁對江楓眠

安平宋尚書禮祠

文皇既定鼎上國勤灌輸汶流久湮絕負載勞牛車戴  
村一以壩分水開龍渠畚鍤不再舉天府盈倉儲誰建  
平成烈共城宋尚書挽彼澶漫流盈盈歸尾閭至今會  
通河俎豆紛庭除白英獲侑食流慶及餘胥

劉尚書大夏祠

引黃濟汶水譬彼借寇兵龍性不恒馴况乃與之爭百  
年罕成績閭殫吾山平忠宣績禹緒四載勞經營上流

既南絕猛勢隨東傾載下淇園竹永奠宣房名蛟鼉徙窟穴柔櫓多歡聲沈馬不可再寄言厪守成

望點蒼山

點蒼十九峰一一芙蓉青繇亘百餘里疑張雲母屏鳥道當太白鐵壁排高冥白雲繞其腹玉帶橫萬釘一峰一溪流奔卸如建瓴散入市廛間家家鳴琮琤遠近注畛隰禾黍藉生成陰崖四五月積雪輝廣庭陽光照不及力與造化爭北麓產文石玉質聲瓏玲濃澹合圖畫

蒼素何分明追琢豈天巧醞釀誠地靈馮河不可極乖  
龍猶潛腥林巒非一狀蘭若勢連甍相對不數武空翠  
盈窗櫺奇境趣自合絕域心所輕悠然獨長嘯忘此友  
離形

韓上桂

醉臥蘇汝載積翠園晨起放筆呈汝載

偶來辟疆園遊戲竹林下雲物通清新花木低相亞野  
樹蓋中庭餘陰蔭比舍礙日構飛楹攢雲拱朱榭地僻

鳥易馴，磗絕虹。仍跨蓄水灌，蔬畦寒流滌。石罅疎菊晚，  
逾鮮敗荷久。已卸方冬塲，圃成萬室入。禾稼村巷出，牛  
羊主人屬。清暇樽寬，北海情展。倒中郎，迓本是托石交。  
况乃藉姻婭，屑語等琳琅。芳祠襲蘭麝，席地竟長筵。臨  
流洽飛竿，珍饌絡珠盤。竹厨行美炙，諸蔬錯蟹蝦。嘉果  
有橘蔗，鬱金琥珀濃。寶杓琉璃瀉，博木競梟牟。選雋事  
壺射，不醉爾無歸。就逋我弗赦，調笑雜優俳。謹囑恣輕  
罵，側弁轉悠然。屢舞且勿咤，醉客影闌珊。倦僕夢驚訝，

歡燕意轉濃鄰雞不相借吐後酒頻呼主休客未罷臥  
我碧雲樓覆我青羅帕疎星點翠簾凍雨消長夜起視  
覺蒼茫宿昔如羽化吁嗟此夕遊洵矣美無價天明起  
就途僕夫不肯駕惡賓無故人賤子謹致謝

陳薦夫

秋夜遲友人不至

秋宵何沈沈松陰落寒瓦蟋蟀喧中堂繁蟲泣深夜素  
月清以娟白露杳然下之子望不來但恐秋風謝



陳子廷

擬陳思王贈丁儀王粲

王師入京邑天宇俄廓清  
九廟肅鐘簋十陵翦棘荆  
皇路日就坦相君靡自盈  
吐哺則公旦闢門羅雋英  
黃髮縹緲組深巖賁弓旌  
嗟余同心侶夙昔諧嚶鳴  
胡為慕孤介堅欲解世櫻  
延陵非通誼干木庸近情  
願迴墨子車且過朝歌城

擬謝僕射混遊覽

大塊真勞生俯仰日縈感內庭鮮懽悰遠郊豁幽覽寓  
目極寥廓開襟懷澄澹巖阿秀菊萸江湄揭葭莢會歎  
景挫落任觀運流坎代謝亦何常章光總歸闇達人遺  
浮榮自視一何歆

陸錫恩

鮑叔牙故里

落景滿齊郊雲橫暮山紫緩轡問遺封云是鮑叔里三  
北識奇才一匡酬夙恥古人在信心今人多貴耳士苟

未遇時畢生行蓬蒿長風不我借羽翼安得起所以管  
大夫沒齒感知已

曹學佺

晦日非熊未虞茂之同用雪字

艷陽已及時晦日尚臨雪草色新未穩柳條綻仍結啼  
鶯闕雕窗走馬間金埒惟有素心人相過慰愁絕

雪桂軒花開得語字

桂樹山之幽予昔擇而處顧此山中雪盈枝何楚楚去

歲花開時山川蜀道阻臨風祇相思馨香落何所暮春  
歸林下棲息淹時序月明花正發露下清且滑飄飄入  
人衣採摘盈筐筥料全久要義形影盍相與隱者信可  
招胡媿騷人語

出郭別陳振狂將以暮潮解纜發之九龍

翩翩雙黃鵠矯矯雲中飛疾風一相失奄忽東西馳眷  
此同袍友恩義無乖疑春華不久榮秋葉乃多萎念當  
展行役揮涕從此辭往路何浩浩乃在瘴海涯荅言別

故林與子同一時方舟夙已戒利涉臨余斯斟酌盈觴  
酒各致平生私景光不相戀良駟終難追携手念已遠  
出門視多岐凡影但俯形一失俱相離幸言懷明德有  
如渴與飢心為道路樞安得不自知慎哉各努力勿負  
歲暮期終當續古懽為樂猶未遲

峽口逢陳幼孺

出門識別苦登車愁路長峽口斷地脉南北遥相望僕  
夫停其綏川廣限無梁仰視浮雲馳鴻雁同翱翔方舟

未云涉矚險先傍徨道逢相識人乃為心所當上言長  
相思下言適何方屏營周路側原野何茫茫安得盈觴  
酒與子同酌嘗大義亮金石俛仰鬱中腸吾欲展此曲  
列坐無高倡執手惜欲別險阻誰相將此水淺且涸離  
憂方可量命不與願俱悲為參與商羨歎雲中鵠比翼  
歸故鄉

夜宿迎仙館


扶策入名山幽竒恣心賞嶺路鬱且紆投林日已曛修

渚留餘光玄廬此開敞止宿無別驂煙霞集吾黨以茲  
流水喧遂致衆山響明月襲其輝盈盈照帷幌幽人有  
遐夢夢到羲皇上金雞遶樹號東方色微朗晨起不及  
炊浩然乃長往



御選明詩卷三十一





總校官庶吉士臣侍朝  
校對官檢討臣蕭九成  
謄錄監生臣劉天蒼